

輿地紀勝

二

宋元地理志叢刊

(宋)王象之・撰

李勇先・校點

四川大學出版社



輿地紀勝

二

宋元地理志叢刊

(宋)王象之撰

李勇先校點



四川大學出版社

責任編輯：莊劍 徐聞文 熊志
責任校對：王大用 洪滔 杜偉 李文傑
責任印制：楊麗賢

圖書在版編目(CIP)數據

輿地紀勝校點 / (宋) 王象之原著；李勇先校點。
成都：四川大學出版社，2005.10
(宋元地理志叢刊)
ISBN 7-5614-3250-X

I. 輿... II. ①王... ②李... III. 歷史地理－中國－宋代 IV. K928.644

中國版本圖書館 CIP 數據核字 (2005) 第 111031 號

書名 輿地紀勝

作 者	[宋]王象之 原著 李勇先 校點
出 版	四川大學出版社
地 址	成都市一環路南一段 24 號 (610065)
發 行	四川大學出版社
印 刷	成都東江印務有限公司
成品尺寸	140 mm×202 mm
印 張	212.625
字 數	4100 千字
版 次	2005 年 10 月第 1 版
印 次	2005 年 10 月第 1 次印刷
定 價	980.00 圓(全十冊)

◆讀者郵購本書，請與本社發行科
聯系。電 話：85408408/85401670/
85408023 郵政編碼：610065
◆本社圖書如有印裝質量問題，請
寄回出版社調換。

版權所有◆侵權必究

◆網址：www.scupress.com.cn

輿地紀勝卷第十

兩浙東路

紹興府

秦望 越都 會稽 鑑湖 越絕 越國 蘭亭

【府沿革】

大都督府，紹興府，越州，會稽郡，鎮東軍節度。《九域志》。兩浙東路安撫使，浙東七郡皆屬焉。今制。《禹貢》揚州之域。《元和郡縣志》。又《職方氏》：「東南曰揚州，其山鎮曰會稽。」粵地，星紀之次。《春秋左氏傳》昭公三十二年：「越伐吳。」注曰：「吳、越並星紀之次。」牽牛、婺女之分野。《漢書·地理志》云：「吳地，斗分野。」今之會稽等郡

盡吳分也。又云：「粵地，牽牛、婺女之分野。」似有不同。象之謹按：班固《志》初云「吳地，斗分野」，蓋合漢會稽郡地總而言之耳（一）。是時會稽所統稍廣，南至越之山陰，故總謂之斗分野。班固《志》又云：「越地，牽牛之分野。少康封庶子於會稽（二）。」其後勾踐稱王，則牽牛之分野似指勾踐所封之地，則當謂爲越地，牽牛之分野。虞翻曰：「會稽上應牽牛之宿。」今之婺女正與會稽郡鄰壤（三）。而《春秋》昭公三十二年，史墨曰：「越得歲而吳伐之。」是吳、越度數亦不同也。《春秋元命苞》，亦云：「牽牛流爲揚州，分爲越國。」今從虞翻及《元命苞》，以爲牽牛之分。《晉書志》亦云：「會稽入牛之一度。」夏禹會諸侯，江南計功，命曰會稽。此據《史記·夏本紀贊》曰：「禹會諸侯江南，計功而崩，因葬焉，命曰會稽。會稽者，會計也。」裴駟注：《皇覽》曰：「禹冢在山陰會稽山上。會稽山去縣七里。」少康封少子無餘於會稽，以奉禹祀，號曰於越。春秋有於越。越國之稱始於此。事見《吳越春秋》及《元和郡縣志》。又《晏公類要》云：「少康封少子無餘於越，是爲越侯，傳國三十世。至周敬王時，有越侯大鐔子曰允常，始拓大稱王，《春秋》貶之，號爲於越。允常卒，子勾踐立，與吳王夫差戰敗於夫椒，遂以甲楯五千棲于會稽，行成于吳，吳王更封之。」與諸書不同。然晏公亦必有所據，姑兩存之。後二十世，至勾踐稱王，與吳王闔閭戰，敗之槁李。《西漢·地理志》。夫差立，敗越于夫椒，棲于會稽，顏注曰：「會稽，山名。」臣服請平。後用范蠡計滅

吳，《西漢·地理志》。并其地。後六代，王無疆當周顯王之世〔四〕，爲楚所殘〔五〕，浙江之地，越猶保之。此據《寰宇記》。又《通鑑》：「周顯王三十五年，越王無疆伐楚，楚人大敗之，乘勝盡取吳故地，東至浙江。越以此散〔六〕，朝服於楚。」則是浙江以東尚爲越所保也。後終爲楚所滅，其地盡入于楚。《寰宇記》及《晏公類要》云其地屬楚。秦滅楚，以越併入吳，立會稽郡。《寰宇記》云：「秦滅楚，以越併入吳，立會稽郡。」又《元和郡縣志》云：「越王無疆爲楚所滅，楚以其地併吳〔七〕，立爲會稽郡。」與《寰宇記》不同。象之謹按：《通鑑》：「秦始皇二十五年，王翦定江南地，降百越之君，置會稽郡。」則會稽郡非置於楚也，當從《通鑑》。漢高帝封荊王賈，在高帝六年。吳王濞，在高帝十二年。並有會稽郡地。景帝平吳王濞，《通鑑》在景帝四年。更屬江都國。江都國除，爲郡。《舊經》云：「吳王濞敗，後復屬江都國。江都王有罪，國除，乃更爲郡。」按《西漢·地理志》廣陵國注，劉貢父云：「江都王得鄆郡，而不得吳，則會稽不得云屬江都也。吳朱育以強記稱，其對濮陽興亦云吳王濞敗，後爲郡，治於吳。」亦不及屬江都事。但《晏公類要》又云：「吳王濞反，誅，復爲會稽郡，後復屬江都國。武帝元狩二年，更爲郡。」觀晏殊所記，與劉攽〔八〕、朱育所記不同。而沈約《宋志》云：「會稽郡，漢初屬吳國。吳王濞敗，屬江都國。」與劉攽所註亦不同，當從《宋志》。東漢分浙江以西爲吳郡，浙江以東爲會稽郡。《元和郡縣志》云：「後漢順帝時，

陽羨令周嘉、山陰令陰重上書，以吳、越二國周旋一萬一千里，以浙江山川險絕，求得分置。遂分浙江以西爲吳郡，以東爲會稽郡。」《漢志》不載年月。按《三國志》吳朱育對濮陽興云：「永建四年，以會稽郡還治山陰。」郡自吳縣還治山陰。此據沈約《宋志》。又《西漢志》會稽郡治吳縣。《東漢志》會稽郡治山陰縣。晉因之。《輿地廣記》東晉改郡字「會」爲「鄞」。《白氏六帖》云：「晉咸和元年〔九〕，當討蘇峻〔二〇〕，司徒王導欲出王舒爲外援，乃拜撫軍將軍〔二一〕，會稽內史，上疏以父名會，乞換他郡，於是改「會」爲「鄞」。宋於此置東揚州〔二二〕。齊、梁不改。此據《輿地廣記》。又《元和郡縣志》及《寰宇記》並云：「自晉至陳，又於此置東揚州。」與《輿地廣記》不合。象之謹按：《晉志》無東揚州，而《宋志》云：「孝建元年，分揚州之會稽等五郡爲東揚州。」則東揚州非置於晉也。當從《宋志》及《輿地廣記》。隋平陳，改東揚州爲吳州。《宋志》會稽郡下注云：「宋置東揚州。」陳初省，尋復。隋平陳，改曰吳州。改爲越州。《隋志》云：「大業初，改吳州爲越州。」尋廢越州爲會稽郡。《寰宇記》。唐平李子通，置越州總管，《元和郡縣志》在武德四年。尋改爲都督府。《元和郡縣志》在武德七年〔二三〕。改越州爲會稽郡。天寶元年。復爲越州，乾元元年。爲浙江東道節度使治所。《通鑑》乾元元年，分浙江東、西各置節度使，東道治越州，以李希言爲節度使。尋廢節度，置浙東觀察使，遂爲觀察使治所。大曆五年初置使，以陳少遊爲

之。十一年廢觀察使，以隸浙西。永正元年復置，以授陳少遊，自此常爲觀察使治所。唐末陞浙東觀察使爲義勝軍節度使。《通鑑》廣明元年，以授劉漢宏。《唐志》云：「中和二年，復置義勝軍。」年月不同，當攷。改爲威勝軍，《通鑑》光啓三年，以董昌爲義勝軍節度。三年，改爲威勝軍。而《唐志》不載改爲「威勝」一節，當攷。尋改爲鎮東軍。《唐志》並在乾甯三年，而《寰宇記》云「皇朝爲鎮東軍節度」，不同。象之謹按：《通鑑》唐昭宗乾甯三年，以錢鏐爲鎮海、威勝兩軍節度使，更名威勝軍曰鎮東軍。《寰宇記》失唐末改鎮東軍一節，以爲國初事（二四），又不載年月，無所據依，今不取。錢氏據兩浙，兼兩鎮節度使，《通鑑》在昭宗乾甯三年。號吳越國王。皇朝地歸版圖，《九朝通略》在太平興國三年（一五）。隸兩浙路。至道中。又分浙東、西爲兩路。《九域志》在熙甯七年。杭越守臣並帶安撫使，《國史·職官志》在宣和二年。浙東以越州爲帥府。《國朝會要》在大觀元年。中興駐蹕，陞爲紹興府。紹興元年，駐蹕越州，本州官吏等請依德宗興元府故事，遂賜府額。《繫年錄》云：「紹興元年十月己丑，陞越州爲紹興府，以守臣陳汝錫有請也。」今統浙東七郡，領縣八，治會稽、山陰兩縣。

【縣沿革】

會稽縣望

倚郭。《吳越春秋》云：「禹方行天下（二六），還歸大越，會計脩國之道（二七），以會計名山（二八），仍爲地號。」越王以甲楯五千棲于會稽，即此山也。《輿地廣記》云：「秦置山陰縣。」《元和郡縣志》云：「漢初爲都尉。東漢順帝已後爲郡治。」《隋志》云：「隋平陳，廢山陰、永興、上虞、始甯四縣入會稽縣，爲會稽郡治。」《唐志》云：「武德七年，析會稽置山陰縣。」自此與山陰常分治郭下。

山陰縣望

倚郭。《圖經》云：「本越王勾踐之都。」《會稽地志》曰：「邑在山之陰，故以爲名。」《西漢志》曰：「會稽山在南。上有禹冢、禹井，本靈文園。」顏注曰：「靈文侯，薄太后父也。」《輿地廣記》云：「秦置山陰縣，屬會稽郡。漢、晉因之。隋平陳，併入會稽。」《唐志》云：「武德七年復置（二九）。垂拱二年置山陰。大曆二年省，七年又置。」自此常與會稽分治郭下。

嵊縣望

在府西南一百八十里（三〇）。本漢剡縣。《寰宇記》云：「後漢順帝以浙江東十

三縣爲會稽郡，剡亦屬焉。」《元和郡縣志》：「故城理今縣南一十二里。吳賀齊爲令，移於今所。隋末，陷於李子通。」《唐志》：「武德四年，以縣爲嵎州。八年廢州（二），依舊爲剡縣。」《國朝會要》云：「宣和三年，改名嵎縣。縣有嵎山，東西南北皆有秀峰，取四山爲嵎之義。」

諸暨縣 望

在府西南一百四十二里。《晏公類要》云：「本越王允常所都。」《西漢志》及《晉志》會稽郡下俱有諸暨縣（三）。《元和郡縣志》云：「越王允常所居，秦舊縣也。《國語》『南至句無』，是也。」《東漢志》注：「《越絕》曰：『興平二年，分立吳甯縣。』」沈約《宋志》以爲漢舊縣，不同。《會稽志》或言西有儲山（三），北有槩浦（二四），諸文省，暨聲近，因山、浦以名縣也。或言無諸舊封夫槩故邑，上取「諸」，下取「暨」，因封邑以爲名也。《國朝會要》云：「乾道八年，以諸暨之楓橋鎮置義安縣，尋廢焉。」

蕭山縣 緊

在府西一百里。《元和郡縣志》云：「本曰餘暨（二五），吳王弟夫槩之邑。吳大

帝改曰蕭山。」《輿地廣記》云：「漢末童謠曰：『天子當興東南三餘之間。』故孫權改曰永興縣。晉因之。」與《元和志》所紀不同。象之謹按：兩《漢志》會稽郡下並有餘暨，而無永興。《晉志》會稽郡下有永興，而無餘暨。則是吳大帝改餘暨爲永興，非改餘暨爲蕭山也。沈約《宋志》於永興縣下亦云：「永興，漢舊餘暨縣。吳更名永興。」則吳大帝初未嘗更爲蕭山也。《元和志》所紀非是，今不取。又《隋志》云：「隋平陳，廢永興入會稽。」《唐志》蕭山縣下注云：「儀鳳二年，置永興縣。天寶元年，更名蕭山。」以縣西蕭然山以爲名。

餘姚縣 望

在府東北一百四十七里。《元和郡縣志》云：「本漢舊縣。舜後支庶所封。舜姓姚，故曰餘姚。」《西漢志》、《晉志》、《宋志》〔三六〕、《南齊志》會稽郡下並有餘姚縣。《元和郡縣志》云：「隋平陳，省入句章縣〔三七〕。」《隋志》句章縣下注云：「平陳，省餘姚縣入焉。」《唐志》於餘姚縣下注云：「武德四年，析故句章縣置餘姚縣，以縣置姚州。七年州廢，來屬越州。」

上虞縣 望

在府東一百二十里。《圖經》引《十三州志》云：「夏禹與諸侯會計，因相虞樂於此，故曰上虞。」漢、晉《地理志》屬會稽郡。宋、齊《地理志》並屬會稽郡〔二八〕。《東漢志》云：「漢末分立始甯縣。」《宋志》云：「在永建四年。」《隋志》云：「隋平陳，廢上虞入會稽。」《唐志》云：「正元中〔二九〕，析會稽置上虞。」

新昌縣 緊

在府東南二百二十里。《寰宇記》云：「唐末，錢鏐割據錢塘，以此地人物稍繁，乃析剡縣一十三鄉置新昌縣〔三〇〕。」

【監司沿革】

提刑司

國朝淳化三年，始置諸道提點刑獄。《溫州圖經》載：熙寧七年檢正沈格言：「乞將浙東西兩路以明、越、婺、溫、台、衢、處爲浙東轉運，提舉於越州置司，提刑於溫州置司。」其年九月，兩浙轉運司狀：「恐分路之後，財賦通融不行，欲乞提刑依舊在越州駐泊。」又《會稽志》：元豐中兩浙提刑盧秉議鹽法奏，則是時提刑尚兼兩浙。又載姚舜明以宣和二年知婺州，平方寇有功，除提點兩浙路刑獄。則宣和

初年提刑亦兼兩浙。又《圖經》載金敵犯越州（三二），時有提刑王翻權州。則建炎初憲亦治越州。不知兩浙分治蘇、越起於何時。今《浙東提刑司題名》乃云置司起於建炎四年，不同。象之謹按《繫年錄》云：「建炎三年，苗、劉之亂，張魏公浚在蘇州，夜召兩浙路提點刑獄趙哲治兵。」則建炎三年兩浙提刑尚治蘇州，蓋恐自趙哲為兩浙提刑治蘇州後，始分東、西路。則兩浙提刑之分治蘇、越，當在四年。而東路憲司至四年始定以越為治所，故題名亦起自四年耳。今司在府治之東，前臨運河，與蓬萊閣相望，有稽山閣。

提舉司

毛平仲《題名記》云：「初置司，合兩浙為一路，治蘇州，尋徙杭州。宣和末，分為東、西兩路，東路治越，司在府衙東一里。紹興末，以賜恩平郡王（三三），遷倉司于鎮東門外。尋以新衙改賜恩平，而司復還其舊，今治所是也。」

【風俗形勝】

文身斷髮，鼃鰩之與處。《史記·越世家》。斷髮文身，以避蛟龍之害。《漢志》。火耕水耨，民食魚稻果蓏蠃蛤，食物常足，不憂凍餓。《漢志》。民性敏柔而慧，尚浮屠

氏之教，奢靡而無積聚。《三朝國史》。鑑水環其前，卧龍擁其後，稽山出其東，秦望直其南。自浙以東，最爲勝處。《資州志》王于作《冠龍閣記》（三三）。西界制河，東奄左海，提封七州。杜牧《浙東觀察使制》。今之會稽，昔之關中。《中興書》云：「諸葛恢爲會稽守，帝謂之曰：『——，——，足食足兵，在於太守。以君有蒞任之方，是以相屈。』」南面連山萬重，北帶滄海千里。《吳地志》。連山帶海。同上。山陰南湖，應帶郊郭，白水翠巖，互相映發。顧野王《輿地志》。崇山峻嶺，茂林脩竹。《蘭亭記》。山川萬山，皆禹之會。唐鄭昉《龍瑞宮記》注云：「讀如會稽之會。」山轉遠轉高，水轉深轉清。唐李遜云。千巖競秀，萬壑爭流。顧愷之云云（三四），草木蒙籠於上，若雲興霞蔚也。行山陰道上，如在鏡中游。王羲之云。山川之美，使人應接不暇。王子敬云。東南山水，越爲首，剡爲面，沃洲、天姥爲眉目。白樂天作《沃洲山真覺寺記》。會稽有佳山水，名士多居之。《晉史》。王羲之晚渡江，遂有終焉之志。同上。會稽既豐山水，江左嘉遁並多居之。謝靈運《與廬陵王羲真牋》。人在鑑中，舟行畫圖。同上。越中自昔號嘉山水。王十朋《蓬萊閣賦》。越稽峰，天下之勝處。李義山《四六集》。禹穴神臯，地埒分陝。《海錄碎事》。鑑湖、秦望之遊，月三四焉。元稹。鑑湖、秦望之名益傳。《元

積傳》。蘭亭絕唱。同上。東南之美〔三五〕，非特會稽之竹箭。《寰宇記》：「虞翻，會稽人，以所注《易》示孔融。融曰：『延陵之理樂，吾子之理易，乃知——者，——』。」予生長東吳，號山水窟中。劉誼元豐中撰《桂州曾公巖記》。仁風扇越。《文選》。鉅者南鎮，是爲會稽。王十朋《賦》。秦望山，在州正南，爲衆峰之傑。《輿地廣記》。八山四水。並在城內。三山對峙。李紳《蓬萊閣》詩云：「——海中央。」流觴曲水修楔。蘭亭。東山高卧。在上虞，乃謝安石高卧處。剡川一曲。賀知章請爲道士，詔賜——。蘭亭曲水之區。《晏公類要》。江淹夢筆之所。城內有筆飛巷，乃——。劉阮之鄉。漢劉晨、阮肇，剡縣人也。子陵之鄉。嚴子陵，餘姚人也。帶海傍湖，良疇數十萬頃，膏腴土地，畝直一金。《宋書》云。晉渡江，三吳之豪請都會稽。《晉書》云。菰城鄭嫗，標八絕之名。《吳興雜錄》曰：「菰城鄭嫗，能相世，稱八絕。見《吳書》。」菰城之八絕。同上。上會稽，探禹穴。太史公。赤珪如日，碧珪如月。詳見宛委山及玉笥山下〔三六〕。金簡玉字，夏禹得之祕文。詳見宛委山及玉笥山下。二謝聯詩而刻木。若耶溪有潭，潭有櫟木，謝客時與弟惠連作詩聯句，刻於木上。事見《晏公類要》。越有桐栢之金庭，吳有勾曲之金陵，皆養真之福地，神仙之靈墟。《晏公類要》。涉海即有方丈、蓬

萊，登陸即有天台、四明。孫綽《天台賦》。航甌舶閩，浮鄞達吳。浪槩風帆，千艘萬
艫。王十朋《賦》。嘉南斗之分次，肇東越之靈祕。表檜風於韓什，著鎮山於周記。江
總《修心賦》。總避地于龍華寺，而作此賦。會稽、山陰，編戶三萬，號爲天下繁劇。《宋
略》。楊素封越國公，郡城楊素所築。《舊經》及《九域志》同。西則迫江，東則薄海。
水薄蒼天，不知所止。《越絕書》四卷。西周大江，東絕大海。兩邦同域，相亞門戶。
《越絕書》六卷。其城薄以卑，池狹而淺。《越絕書》七卷〔三七〕。陳成子問子貢曰：「魯之
難伐，何也？」子貢曰：「——，——，不如伐吳。」吳城高以厚，池廣以深。
甲堅以新，士選以飽，重器精弩在其中。《越絕書》。上棲會稽，下守溟海，唯魚鼈是
見。《越絕書》。夫越性脆而愚，水行而山處，以船爲車，以楫爲馬。《越絕書》。東西
百里。《越絕書》。吳王夫差伐越，有其邦。勾踐服爲臣三年，吳王復還，封勾踐於越。越東西
百里，北向臣事吳。東爲右，西爲左，大越故界浙江至檣李〔三八〕，南姑末寫干觀鄉，北有武
原。若耶之溪涸而出銅。《越絕書》。千巖萬壑。李白《送友人尋越中山水》〔三九〕：「聞道
稽山去〔四〇〕，偏宜謝客才。千巖泉灑落〔四一〕，萬壑樹繁迴〔四二〕。東海橫秦望，西陵遠越臺。
湖清霜鏡曉，濤白雪山來。」見《詩集》。吳郡以山水冠世，海陽又以奇甲一州。《劉禹錫文

集。《會稽竹箭》。《爾雅》曰：「東南之美者，有——之——焉。」

【景物上】

白水翠巖。《輿地志》云：「山陰南湖，縈帶城郭，——，互相映發。」寒溪、溫泉。《寰宇記》云：「在鏡湖西（四三），一名——，一名——，暑月則冷，冬月則溫。」山陰。《寰宇記》云：「秦始皇移在會稽山之北，故有山陰之稱。」舜井。在上虞西北三十五里興教寺傍。有象田，或者以爲的對。禹穴。《史記》太史公上會稽，探禹穴。注以爲會稽山有孔穴。《舊經》謂皆繫之宛委山，里人以陽明洞。即是也（四四）。稷山。在會稽東五十里。越王種菜於此。《隋書》會稽郡有稷山。虞山。在餘姚。《太康記》云：「舜避丹朱于此。」姚江。《寰宇記》（四五）：「餘姚江在縣五十步，闊四十丈，入明州。」荆公《泊——》詩：「山如碧浪翻江去，水似青天照眼明。喚取仙人來住此，莫教辛苦上層城。」秦稽。顏延年有「曷月瞻秦稽」之語。越臺。李白詩云：「東海橫秦望，西陵拱越臺。湖清霜鏡曉，浪白雪山來。」塗山。《舊經》云：「在山陰縣西北，禹會萬國之所。」杜預注《左氏》——在壽春。又渝州亦有塗山，或謂今宣州之當塗即塗山。《史記》云：「禹會諸侯江南計功而崩，因葬焉。」裴駟注：「禹冢在山陰會稽山。」《家語》云：「禹致羣臣於會稽之山。」《寰宇記》云：「宋武修廟，得古珪。梁初又